



ХАВАР

خبر

Ўзбекистон почта ва телекоммуникациялар агентлиги нашри

1992 йил мартдан чиқа бошлаган • 1998 йил, 19 июнь 24 (304) • Сотувда нархи эркин

КЕНГАШ ЎТКАЗИЛДИ

Ўзбекистон почта ва телекоммуникациялар агентлигида навбатдаги кенгаш бўлиб ўтди. Унда республикада фаолият кўрсатаётган олтига уяли алоқа компаниялари ва улар билан ҳамкорлик қилаётган алоқа корхоналарининг раҳбар ҳамда мутахассислари иштирок этишди.

Мазкур кенгашда уяли алоқа билан боғлиқ масалалар кизгин муҳокама қилинди. Муҳокама қилинган масалалар бўйича агентлик раҳбарияти билдирган мулоҳазаларни уяли компания ва алоқа корхоналари вакиллари қўллаб-қувватлашди ҳамда ўз таклифларини айтишди. Кенгашда 2010 йилгача республикада кўча алоқа тармоғини ривожлантириш концепциясини ишлаб чиқиш учун ишчи гуруҳи тузилгани ва унинг иш жадвали тасдиқлангани маълум қилинди. Уяли алоқа операторлари бу борада ўзларининг аниқ таклифларини билдирадиган бўлишди.

Уяли алоқада энг самарали хизмат турларидан бири роуминг-дир. Бу хизмат турини «Ўздунро-бита» қўша корхонаси муваффақиятли қўллаб, ривожлантириб бормоқда. «Коском» қўша корхонаси ҳам бу борада баъзи масалаларни ҳал қилиб, иш олиб борапти. Қолган компаниялар ҳам роуминг хизматини тараққий эттириш борасида ўз режаларига эга. Уяли алоқа хизмати шаҳарлараро ва халқаро алоқа тармоғи каналлари, жиҳозларидан ўзаро ҳамкорликда фойдаланишни кўзда тутди. Бу масала юзасидан Ўзбекистон почта ва телекоммуникациялар агентлигида меърий ҳужжат лойиҳаси тайёрланган бўлиб, у ўзаро келишув босқичларидан ўтиши керак. Жумладан, ушбу меърий ҳужжат уяли алоқа операторларига ҳам жўнатилган бўлиб, уларнинг «Роуминг тўғрисида низо» ҳақидаги хулосалари кутилмоқда.

Ўзбекистондаги уяли алоқа компаниялари техника воситаларини янгиллаб бориш, янада самарали технологияларга эга бўлиш йўлида фаол иш олиб боришмоқда. Шунинг алоҳида айтиб ўтиш жоизки, ҳозирда қўлланилаётган AMPS/D—AMPS, GSM технологиялари анча самаралидир, ammo уларнинг ҳам имкониятлари бир қадар чекланган. Бугунги кунда PCS ва DCS технологиясидан фойдаланиш масаласи пайдо бўлмоқда. Жаҳон таърибаси таҳлили шуни кўрсатадики, мазкур

технологияларни AMPS ва GSM каби андозалар бутунлай ўзлаштирилганидан сўнг жорий қилиш мумкин экан.

Битта эфирда фаолият кўрсатиш мавжуд олти уяли алоқа компанияларидан ўзаро ҳамжиҳатликда ишлашни, шунингдек, радиотехника воситаларидан ва эфирдан фойдаланишни назорат қилувчи идоралар билан мустаҳкам ҳамкорлик қилишни талаб қилди. Ана шундай идоралардан бири агентликка қарашли Электромагнит Мослашув Марказидир. Айни пайтда ЭМММни замонавий ўлчаш асбоблари, тадқиқот ўтказишга оид техника воситалари билан таъминлаш чоралари кўрилмақда. Ammo мазкур хорижий асбоб-ускуналарнинг қимматбаҳолиги уни олишда бир қатор операторларнинг иштирок этишини талоқ этмоқда. Бу ишда қатнашишга уяли алоқа компаниялари рози, чунки эфирдан фойдаланишда тартиб-интизомнинг бўлиши уларнинг сифатли хизмат кўрсатишларига кафолат беради.

Кенгашда операторлар лойиҳалаш, рўйхатдан ўтказиш ва радиоэлектрон воситалар, юқори частотали қурилмалардан фойдаланишда меърий ҳужжатлар талабларига қатъий риоя қилишлари зарурлиги айтиб ўтилди.

Уяли алоқа операторлари учун ҳар хил хизмат турларини жорий қилиш долзарб вазифадир. Айни пайтда янги, энг самарали хизмат турларидан бири — йўлдош тизимига ўлиниш масаласи пайдо бўлди. Жаҳон йўлдош тизимига ўлиниш тўғрисида республикада алаҳқон бир тўхтамага келинган. Бу борада ҳатто «Иридиум» америка фирмаси билан ҳамкорлик қилиш тўғрисида келишув шартномаси мавжуд. «Ўзалоқайўлдош» ва «RWS» қўша корхоналари ҳам бу ишларда қатнашиб, Ўзбекистонда янги алоқа хизматини жорий қилиш истагидадир.

Агентликда уяли алоқа операторлари иштирокида ўтказилган кенгаш мавжуд муаммоларни ўзаро ҳамжиҳатликда ҳал қилиш мумкинлигини кўрсатди.

А. КУДИНОВ

ҲАМКАСБАРИМ/Э НАФАҚАГА ЧИҚИШДИ

Яқинда «Бухоро почтаси» ҳиссадорлик жамиятининг Шофиркон туман филиалида ўттиз йилдан ортиқ меҳнат қилган Нурулло Курбонов, Саъдулло Мирзаев ҳамда Тўйбой Насуллаевларни почтачилар нафақага кузатишди. Нафақага кузатиш маросимида корхона бошлиғи И. Хўжаев faxрийларга кўп йиллик меҳнатлари учун миннатдорчилик билдириб, отахонлардан қадрдон жомога тез-тез келиб, иш таърибаларини ёшларга ўргатиб, корхонада бўладиган тадбирларда иштирок этиб туришларини илтимос қилди.

Биз шофирконлик почтачилар ҳам faxрийларимизга узоқ умр, сийхат-саломатлик тилаб қоламиз.

Н. НАЗАРОВА,

«Бухоро почтаси» ҳиссадорлик жамиятининг Шофиркон туман филиали ходимлар бўлими назоратчиси

Тошкент вилоятидаги ҳарбий бўлинмага кириб борганимизда ҳовлидаги шинамгина жиҳозланган жойда эрталабданоқ одамлар чойхўрлик қилиб, гурунглашиб ўтиришарди. Улар орасида отахонлар, онахонлар, турли ёшдаги эрак, аёл ва болалар ҳам бор эди. Маълум бўлишича, улар ҳарбий бўлинманинг меҳмонлари — яқинда Армияга қақриланган ўғилларининг Ватанга садоқат билан хизмат қилиш борасидаги аскарлик қасамедини қабул қи-

лиш маросими-га ташриф буюрган ота-оналар ва шу тантаналарда қатнашишга тақлиф этилган уруш ва меҳнат faxрийлари экан.

Ҳарбий бўлинмада эса байрамона кайфият ҳукм сурарди. Аънамага кўра қасамед тантаналари урушдан қайтмаганларга ўрнатилган ёдгорлик олдида ўтар экан. Ёдгорлик мажмуасининг бир томонида кўлида автомат ушлаганча олға ташланаётган аскар хайкали, иккинчи томонда эса умид, ишонч, соғинч ва меҳр билан нигоҳлари узоқ-узоқларга қадалган, ёнида ёш боласи бўлган муштипар она — қишлоқ аёли.

Ҳайкаллар орасида урушдан қайтмаганларнинг мармарга битилган исми шарифлари. Жангчи онага, она эса жангчи ўғлига талинаётгандек гўё. Ҳа, бўлинма раҳбарияти қасамед қабул қилиш учун бу ерни бежиз танлашган эмас.

Тантаналарнинг расмий қисми тугаб, аскарлар ҳарбийларга хош амалдаги тартиб қилиши бирин-кетин қасамед қабул қилишни бошладилар. Фурсатдан фойдаланиб, жангчиларни қизиқиш билан кузатиб турганлардан баъзиларини суҳбатга чорладим:

«Фаргона вилоятининг Фаргона туманиданмиз, — дейди Валижон

ака Ҳамроқулов. — Ўғлимиз Ҳайжон 19 майда ҳарбийга қақриланган эди. Бир ой ичида учдан учта хат олдик. Хатида қасамед ҳақида айтган эди. Онаси ва синглиси билан кўргани келавердик».

«Буларнинг шароити жуда зўр экан, — дейди ёнимизда турган жиҳазлик Валижон ака Алиев. — Мен собиқ Иттифок даврида Ульяновскда хизмат қилган эдим. Ўрта Осиёдан борганлар роса қийналардик. Бу ерда тартиб, интизом, озодалик

Ўтмишимиз, яқин тарихимиздан ҳикоя қилувчи фотокўргазма аскарларимизда жуда яхши таассурот қолдирди. Бу кўргазма эса аввалгисининг мантйқий давомидир. Бугунги аскар ўз юртининг тарихини, халқининг урф-одатлари, миллий ва маҳаллий аънаваларни, шу замин фарзанди эканлигини юракдан ҳис этиши, керак бўлса нима учун жанг қилиши лозимлигини яхши билиши зарур».

Ўзбекистон Республикаси Фанлар академиясининг Ўзбекистон тарихи Давлат музейи билан ҳамкорликда ташкил этилган мазкур кўргазмада Тошкент, Фаргона, Самарқанд, Бухоро, Сурхондарё, Қашқадарё, Хоразм вилоятларида турли йилларда музейга келтирилган дўппилардан 147 таси кўйилган. Ранг-баранг дўппилар орасида айнан ўхшашлари йўқ.

«Ўзбек дўпписи — оддий бош кийимигина эмас. Унда эл тарихида илди элдан илди отган ижтимоий муносабатлар, эътиқод, эстетик ва моддий маданият акс этади. Шунинг учун дўппига халқнинг маънавияти ва маданиятининг бир кичик зарраси сифатида қараш зарур», — дейди санъатшунос Ирина Богословская.

Ўзбекистон алоқа ходимлари қасба уюмчаси Марказий Қўмитасининг раиси Тоҳир Назаржонов мазкур тадбирларнинг аҳамияти ҳақида гапирди ва бўлинманинг барча шахсий таркибига эзгу ниятлар билдирди. Тантаналарда Ўзбекистон почта ва телекоммуникациялар агентлиги бош директорининг ўринбосарлари Ш. Обиджўаев ва М. Махмудовлар иштирок этдилар.

Тўлқин ЛУТФУЛЛАЕВ,
«ХАВАР»нинг маъсу мухбири

Тантаналарни муаллиф сурапта олган

АСКАРЛАР ҚАСАМЭДИ ВА ДЎППИЛАР



ҳам яхши. Ўғлим Жамшидон ҳам хурсанд».

Faxрийлар, ота-оналар ёш аскарларни табриқлаб, эзгу истақлар билдиришди. Фарғоналик Доноҳон Исмоилова ўғли Фарруҳбек Исмоиловни табриқлаб, у хизмат қилаётган бўлинмага рубоб соғва қилди.

Қасамед тантаналари тугагач, «XIX-XX асрлар Ўзбекистон дўппи-лари» мавзусида дўппилар кўргазмаси намойиш этилди. «Биз бундай кўргазмаларни тез-тез ташкил этиб тураемиз, — дейди биз билан суҳбатда бўлинма командири, зобит Б. С. Гольдман. — Феврал ойида фотокўргазма ташкил этган эдик.

ОЛАМДА НИМА ГАП?

Янгиликлар • Воқеалар • Хабарлар

• Ўзбекистон Республикаси Президенти Ислам Каримов Япониянинг Хорижий иқтисодий ҳамкорлик Жамғармаси (ОИСФ) вице-президенти Томю Учидани қабул қилди.

• Ўзбекистон Республикаси Президенти Ислам Каримов Болгария Республикаси Президенти Петар Стоянов тақлифига биноан шу йил 23-25 июнь кунлари расмий ташриф билан Болгария Республикасида бўлади.

• Республикаимиз байналмилал маданият марказида Грузия мустақиллигининг 80 йиллигига бағишланган катта байрам ўтказилди.

• Навоий шаҳрида буюқ шоир, мутафаккир ва давлат арбоби Алишер Навоий Ёдгорлиги мажмуи қурилиши бошланди. Лойиҳа ва қурилиш ишларига вилоят бюджетидан 5 миллион сўм ажратилди.

• Россиянинг машҳур «ТВ-6» телеканалда Президент Ислам Каримов билан қилинган суҳбатни ўз ичига олган Ўзбекистон тўғрисидаги бир соатли кўрсатув намойиш этилди.

• Ингушетия ва Шимолий Осетия Президентлари Руслан Аушев ва Александр Дзасохов шанба куни учрашдилар ва

қўшама баёнотда осетин ва ингушларни ивгогарликларга учмасликка даъват этдилар.

• Озарбойжон Президенти Фармонига кўра Мстислав Растропович Шуҳрат ордени билан мукофотланди.

• БМТ Бош қотиби Кофи Аннан Покистон ва Ҳиндистон ҳукуматининг мамлакатда ядро қуроли синовлари ўтказилишига мораторий эълон қилганини олқишлади. Бу икки давлат ядро қуроли синовларини буткул таъқиқлаб қўювчи Битмига ҳам имзо чекишларига умид билдирди.

Эй фарзанд, агар хотин олмоқ тиласанг, ўз хурма-тингни яхши сақлагил. Гарчи мол азиз бўлса ҳам, хотин ва фарзандингдин дариг тутмагил. Аммо хотинни покдил, фарзандни фармонбардор ва меҳрибон тутгил, бу иш сенинг қўлингдодур.

Хотин талаб қилсанг, хотиннинг молини талаб қилмагил. Ниҳоятда хушрўй хотин олмагилки, уни маъшук тутарлар. Хотин пок ниҳод (тоза табиат) ва покдил бўлсун: кадбону (уй бекаси, ишчан хотин) эрига дўст бўлмай. Ҳаёлиғ, тақводор, тили қиска, молни яхши сақлағувчи бўлсун. Дебдурларки, яхши хотин эрининг ва умрининг роҳати бўлур.

Агар хотининг хўбрўй, меҳрибон ва мақбул бўлса ҳам ихтиёрининг буткул унга бермагил ва унинг ҳукми остига кирмагил. Нединким, Искандарга дебдурлар: «Доронинг қизини нима учун олиб хотин қилмассан, бағоят хушрўйдур». Искандар деди: «Жаҳон халқига ғолибман, энди бир хотинга мағлуб бўлсам, кўп ёмон кўринур». Бас, ўзингдин муҳташамроқ хотинни олмагил, қиз топилса, эридин қолгон хотинни талаб

қилмагил. Нединким унинг (қиз боланинг) кўнглида сенинг меҳрингдин ўзга кишининг меҳри бўлмағай, ҳамма киши бирдек бўлмай деб гумон этгай ва ўзга кишидин тама қилмағай.

Аммо дўст бўлмагон ва кадбону бўлмагон хотиндин қочғил, нединким, дебдурлар: «Кадбону бўлмогон тезроқ

КАЙКОВУС
ХОТИН ОЛМОҚ
ЗИКРИДА

банд бўлур, аммо ул масобада эрмак (даража, эрмак). Бунингдек хотин сенинг молиниг қўлингдин олиб, сўнгра сени унга молик бўлурга қўймағай, ундан сўнг сен хотин хотини бўлурсан, лекин ул сенга хотин бўлмас.

Хотин олсанг улуг салоҳлиг хонадондин хотин талаб қилгил. Ҳар турлук авбошнинг қизин олмагил, нединким, хотинни уйнинг кадбонулиги учун олурлар, шахват учун олмаслар.

Хотин камолга етгон, оқила бўлгон, онасининг кадбонулигин, отасининг кадхудулигин кўргон ва билгон бўл

сун. Агар бундоқ нозанин қўлдин тушса, уни асло қўлдин чиқармагил ва жаҳд қилиб уни олгил...

Агар сен хотинингга рашқлик қилмасанг, у сенга самимият била муносабатда бўлур. У сенга ота-онанг ва фарзандингдин ҳам мушфикроқ бўлур ва сенга ундин дўстроқ киши топилмас. Агар унга ғайрат кўргузсанг, сенга минг душмандин душманроқ бўлур ва бегона душмандин ҳазар қилса бўлур, лекин ундин ҳазар қилиб бўлмас.

Агар қиз олсанг, уни ҳар қанча яхши кўрсанг ҳам ҳар кеча унинг била ётмагил, ул барчанинг одати ушбдур деб ҳаёл этар, агар бир вақт сенинг узринг бўлса, у хотин сенсиз сабр қилур. Агар ҳар кеча унинг била ётмоқни одат қилсанг, ул сенсиз ўзгани орзу қилар ва сабр қилмоқ душвор бўлур.

Ғайрат мардин бажо келтургил. Беғайрат кишини киши демагил. Ҳар кишида ғайрат бўлмаса, дини ҳам бўлмағусидир. Хотинни айтғонимдек тутгондин сўнг, агар Худойи Таоло сенга фарзанд берса, унинг парвариши фикрида бўлгил.



Шодон қийқиригинг оламни тутсин, болажон...

А. ТўРАЕВ олган сурат

ЙИГИРМА УЧ ЙИЛЛИК
УЙҚУ

Норвегиялик Аугуста Лангардинг летаргия уйқуси узоқ давом этди. Бу аёл 1919 йилнинг 8 февраль куни Тюртсен деган балиқчилар қишлоғида эсон-омон кўзи ёриди. Фарзанд дунёга келган пайтдан 6 соату 28 дақиқа ўтгач, она мудрай бошлайди. Кейин эса қаттиқ уйқуга кетади. У фақат 1942 йили 23 ноябрда тўсатдан

уйғониб: «О, Фредерик, алламаҳал бўлиб қолибди-ку, болам шўрликнинг қорни очиб қолгандир, олиб кел, бир эмизай», дейди.

● **Ажаб дунё**

доналарини бир-бирига елим ёрдамида ёпиштириб, самолёт, кема, қулфлар, шунингдек, мусиқа асбобларининг турли хил моделларини ясади. Альберт сўнгги иши — контрабасни 57600 дона гугуртдан тайёрлаган.

Бу асбобни яшаш учун Альберт 1100 соат вақтини сарфлаган.

ГУГУРТДАН КОНТРАБАС

Швейцариялик Альберт Кезер Бауман аслида чекмайди. Лекин унинг уйи гугурт қутиларига тўлиб кетган. Чунки у...

Альбертнинг иқтидорига қойил қолиш керак. У гугурт

ГАБРОВО ЛАҲИФЛАРИ

КИЧКИНА
БЎЛСА...

Габроволик қўшни кампирнинг нураб қолган томини тузатиб берибди. Ишини битириб кетаётганида кампир шундай дебди:

— Сени қандай рози қилишни ҳам билмай қолдим, ўғлим. Хизматинг ҳақиқа нима берсам экан? Олчадан берай десам ҳали пишмаган—кўм-кўк. Полиздаги ошқовоқлар ҳам етилмаган. Жўжалардан биронтасини берворардим у аммо улар ҳали кичкина...

— Кичкина бўлса иккитасини бера қолинг! — дебди габроволик.

ТЎЙИБ ҚОЛИШДИ

Габроволик тақлиф қилинган меҳмонларга нон ёпиш

учун хамир қоради. Битта нон ёпиб, дастурхонга қўяди — меҳмонлар еб қўйишади. Иккинчисини ёпади — яна еб қўйишади. Габроволик учинчи марта ёпгиси келмайди—хамирни қизғанади. Қўлларини икки ёнга чўзиб хитоб қилади:

— Мўлжални тўғри олганимни қара-я! Меҳмонлар тўйиб қолишгани ҳамон нон ҳам тугаб қолди-я!

ЭРТА ТУРСА...

Габроволикдан қандай қилиб болаларини бу қадар меҳнатсевар, ҳаммадан аввал уйғониб, тонг сахарда ишга киришадиган қилиб тарбиялагани ҳақида сўрашди.

— Ҳўш, сизларга нима десам экан, — дея кулимсирайди габроволик, — мен

бешта ўғлимга бор-йўғи битта ботинка олиб берганман, ким биринчи бўлиб ўрнидан турса — пойабзални ўша қиядир.

ГАБРОВОЛИКЛАР

Бир саёҳатчи габроволик оқсоқолдан сўрайди:

— Шаҳрингизда қанча аҳоли яшайди?

— Бизда аҳоли эмас габроволиклар яшайди.

ГАЛИ КЕЛГАЧ...

Уч оғайни ресторанга киришибди. Столга ўтиришибди. Улардан иккитаси ўзаро қизгин суҳбатга берилиб кетибди, учинчиси — габроволик эса таомномани олиб, қимматли овқатларни шоша-пиша ўчираркан, хайрон бўлаётган официантга шипишибди:

— Бу гал овқат пулини мен тўлайман-да...

МАҲОБҲОРАТ
ҲИКМАТЛАРИ

Салтанатни муҳофаза қилиш фақат шоҳ ва шаҳзодаларнинг эмас, балки ҳар бир фуқаронинг бурчи. Шоҳ ва шаҳзодалар ҳам ўз мамлакатларининг фуқаролари ҳисобланишади. Борди-ю, улар ўзларини фуқаро ҳисоблашмаса, қаттиқ янглишадилар.

Она қалби шу қадар кенг эканки, унга бутун олам жо бўларкан, унинг меҳридан қанча ичганинг билан доимо дарёдай тошиб тураверар экан. Дунёда онадай муҳтарам зот йўқ, бўлиши ҳам мумкин эмас.

Сабрдан кучлироқ қурол, ўткирроқ илм йўқ.

Шуни яхши билки, тил — бу асов отга ўхшайди, уни ҳам жиловлash керак бўлади. Моҳир чавандознинг усалиги шундаки, у отни жиловлаб, ўз измига солади! Дуч келган томонга сапчиб кетаверишига йўл қўймайди.

Мен дўстман, дўстнинг мақтови билан ҳеч нарсага эришиб бўлмайди. Улугликка муносиб бўлай десанг, эй паҳлавон йигит, сени душманинг мақтасин.

Аёл — тангри ёрлақанган буюк зот! Аёл бўлмаса инсон ҳаёти ҳеч қачон тўқис бўлмайди. Хоҳ она бўлсин, хоҳ хотин бўлсин, хоҳ сингил ёки фарзанд бўлсин — аёл ҳамиша муқаррам ва муаззамдир! У барчадан эъзозли зотдир.

МУАССИС:
Ўзбекистон почта ва телекоммуникациялар агентлиги
Бош муҳаррир:
Шодмон ОТАБЕК

ТАҲРИР ҲАЙЪАТИ:
Абдувоҳид ЖҲУРАБОВ
Шухрат ЖАББОР
Анатолий КУДИНОВ
Иззат АҲМЕДОВ
(Бош муҳаррир ўринбосари)
Абдуғани АБДУРАҲМОНОВ
(Масъул котиб)
Миршўлат МИРЗО
Рустам ҚОСИМОВ
Қуролбой ТҮЛЕБОВ
Ёқубжон ХУЖАМБЕРДИ

ЖАМОАТЧИЛИК
КЕНГАШИ:
Бўриной АҲМЕДОВ
Саидмаҳмуд АКБАРОВ
Шоҳруҳ АКБАРОВ
Меҳмонқул ИСЛОМҚУЛОВ
Тўлқин ЛУТФУЛЛАЕВ
Тоғай МУРОД

МАНЗИЛИМИЗ: 700000, Тошкент-35, А.Толстой кўчаси, 1.
ТЕЛЕФОНИМИЗ: 136-36-42, 136-35-29, 144-29-09.
Факс: 136-36-42.
ИНДЕКС: 64600
ЖУМА КУНЛАРИ ЧИҚАДИ
Муҳарририятга келган қўлёзмалар (2 ораликда, 5 бетдан ошмаслиги лозим) ва суратлар муаллифларга қайтарилмайди. Мақолалардаги фикр-мулоҳазалар, келтирилган факт ва рақамлар масъулияти муаллифлар зиммасидадир.
Рўйхатга олиш №000011. Буюртма № Г-0125. 12895 нусхада чоп этилди.
Офсет усулида босилди.
Бичими А-3, ҳажми 1 босма табоқ.

ЎЗБЕКИСТОН
РЕСПУБЛИКАСИ
«ШАРҚ» НАШРИЁТ-МАТБАА КОНЦЕРНИ
БОСМАХОНАСИ.
Қорхона манзили:
Буюк Турон кўчаси, 41-уй.

Босишга топширилди — 20.00
Босишга топшириш вақти — 21.00
1 2 3 4 5 6

